



REPUBLIKA E SHQIPËRISË
BASHKIA FUSHË-ARRËZ
KËSHILLI

Nr. 1073 Prot

Fushë-Arrëz, më 08.04.2024

V E N D I M

Nr. 15, datë 28.03.2024

**“PËR
KRIJIMIN, ORGANIZIMIN DHE FUNKSIONIMIN E SHËRBIMIT VULLNETAR
TË BASHKISË FUSHË-ARRËZ PËR VITIN 2024”**

Në mbështetje të nenit 29/2 të Ligjit nr. 139/2015 “Për vetëqeverisjen vendore”, të nenit 9 dhe 10, të Ligjit nr. 45/2016 “Për vullnetarizmin”, të Vendimit të Këshillit të Ministrave nr. 506, datë 17.7.2019, “Për miratimin e kodit të etikës së vullnetarit”, të Urdhrit nr. 299, datë 6.11.2018, të Ministrit të Financave dhe Ekonomisë, “Për formën dhe përmbajtjen e librezës së vullnetarizmit”, të Urdhrit nr. 300, datë 6.11.2018, të Ministrit të Financave dhe Ekonomisë, “Për formën dhe përmbajtjen e regjistrit të kontratave të vullnetarizmit”, duke pasur në konsideratë situatën e jashtëzakonshme të krijuar nga zjarret në pyje dhe kullota dhe sugjerimi i AMVV / Ministria e Brendshme si rezultat i konkursit të praktikave të mira, Këshilli Bashkiak Këshillit Bashkiak Fushë-Arrëz;

VENDOSI:

1. Në cilësinë e ofruesit dhe përfituesit të vullnetarizmit, pranë Bashkisë Fushë-Arrëz, të krijohet “Shërbimi Vullnetar i Bashkisë për mbrojtjen nga zjarri në pyje”.
2. Shërbimi Vullnetar i Bashkisë për mbrojtjen nga zjarri në pyje organizohet pranë **Drejtorisë së Administrimit të Pyjeve dhe Kullotave** dhe ofron vullnetarizëm në fushat si më poshtë:
 - a) Mbrojtja nga zjarri në pyje:
 - i. Vëzhgimi dhe sinjalizimi i zjarreve në pyje,
 - ii. Vëzhgimi i zonave pyjore për rreziqe të mundshme të cilat mund të shkaktojnë zjarr,
 - iii. Dhënia e mbështetjes së autoriteteve lokale për shuarjen e zjarreve,
3. **Drejtorisë së Administrimit të Pyjeve dhe Kullotave** përgjigjet për:
 - a) Regjistrimin e vullnetarëve;
 - b) Regjistrimin e organizatave jofitimprurëse që ofrojnë apo kërkojnë të ofrojnë vullnetarizëm brenda territorit administrativ të bashkisë Fushë-Arrëz;
 - c) Organizimin e vullnetarëve në “Skuadra vullnetare”, me përbërje 10-15 anëtare, sipas fushës së vullnetarizmit që do të ofrohet;
 - d) Përgatitjen e planit të aktiviteteve të Shërbimit Vullnetar të Bashkisë Fushë-Arrëz.
 - e) Bashkërendimin e veprimtarisë me drejtoritë e bashkisë për identifikimin e nevojave për vullnetarizëm dhe kryerjen e aktiviteteve të vullnetarizmit;



- f) Bashkërendimin e veprimtarisë me “Skuadrat vullnetare” dhe organizatat jofitimprurëse të regjistruara, për ofrimin e vullnetarizmit;
 - g) Monitorimin dhe vlerësimin e shërbimit vullnetar;
 - h) Organizimin e trajnimit të vullnetarëve;
 - i) Pajisjen me uniformë, vegla e pajisje të domosdoshme pune sipas kushteve të përcaktuara në kontratën e vullnetarizmit;
 - j) Përgatitjen e projekt-raportit vjetor mbi gjendjen e vullnetarizmit në Bashkinë Fushë-Arrëz.
4. Vullnetar i Shërbimit Vullnetar të Bashkisë Fushë-Arrëz mund të bëhet:
- a) Çdo person, vendas ose i huaj, që gëzon zotësi të plotë për të vepruar, sipas legjislacionit në fuqi dhe me vullnet të lirë kryen vullnetarizëm;
 - b) Çdo person me aftësi të kufizuara, i cili mund të kryejë vullnetarizëm, në përputhje me aftësitë dhe zhvillimin e tij fizik e mendor;
 - c) Çdo i mitur i moshës 15 deri 18 vjeç, kur prindi ose përfaqësuesi i tij ligjor ka dhënë pëlqimin me shkrim për lidhjen e kontratës (ose formularin e vetdeklarimit).
5. Të drejtat dhe detyrimet e vullnetarëve të Shërbimit Vullnetar të Bashkisë Fushë-Arrëz, janë ato të përcaktuara në ligjin dhe aktet nënligjore në fuqi për vullnetarizmin.
6. Për tu regjistruar si vullnetar i Shërbimit Vullnetar të Bashkisë Fushë-Arrëz, çdo person duhet të të paraqes pranë bashkisë këto dokumente:
- a) Kërkesë me shkrim ku të përcaktohet fusha e vullnetarizmit që dëshiron të ofrojë;
 - b) Fotokopje të kartës së identitetit ose pasaportës;
 - c) Jetëshkrimin;
 - d) Vërtetim të gjendjes shëndetësore;
 - e) Çdo dokument tjetër që dëshmon aftësitë në kuadër të angazhimit të tij si vullnetar.
7. Organizatat jofitimprurëse të cilat dëshirojnë të ofrojnë vullnetarizëm në territorin administrativ të Bashkisë Fushë-Arrëz, duhet të deklarojnë objektin dhe qëllimin e vullnetarizmit dhe të dorëzojnë për regjistrim, dokumentet si më poshtë:
- a) Kërkesën për ofrim vullnetarizmi ose njoftimin për ofrim të vullnetarizmit për rastet kur organizata është e autorizuar të kryej vullnetarizëm nga institucioni i prefektit, një institucion qendror ose ministri e linjës;
 - b) Dokumentin ligjor të regjistrimit si organizatë jofitimprurëse;
 - c) Ekstraktin historik të lëshuar nga organi publik kompetent;
 - d) Projektin ose planin për kryerjen e vullnetarizmit, si dhe përshkrimin e rezultateve të pritshme.
8. **Drejtoria e Administrimit të Pyjeve dhe Kullotave**, pasi verifikon saktësinë e dokumentacionit të dorëzuar dhe përmbushjen e kriterëve ligjore të kërkuesit për vullnetarizëm:
- a) I paraqet vullnetarit “Formularin e Deklarimit të Vullnetarizmit” për plotësim, sipas Lidhjes 1 të këtij vendimi, e cila nënshkruhet nga vullnetari dhe drejtuesi i njësisë përgjegjëse për shërbimin vullnetar në bashki.
 - b) Kryen regjistrimin e vullnetarit në Regjistrin e Vullnetarëve të Shërbimit Vullnetar të Bashkisë Fushë-Arrëz, sipas Lidhjes 2 të këtij vendimi;

- 
- c) Kryen regjistrimin e organizatës jofitimprurëse si ofrues vullnetarizmi në Bashkinë Fushë-Arrëz sipas Lidhjes 3 të këtij vendimi;
- d) Lëshon vërtetimin për regjistrimin e personit si vullnetar të Shërbimit Vullnetar të Bashkisë Fushë-Arrëz;
- e) Lëshon vërtetimin për regjistrimin e organizatës jofitimprurëse si ofrues vullnetarizmi në Bashkinë Fushë-Arrëz.
9. Shërbimi Vullnetar i Bashkisë Fushë-Arrëz aktivizohet dhe drejtohet nga **Drejtoria e Administrimit të Pyjeve dhe Kullotave** në bashkëpunim me **Shërbimin Zjarrfikës dhe Sektorin e Emergjencave Civile**.
10. Për numrin, përbërjen dhe fushën e veprimtarisë së Shërbimit Vullnetar të Bashkisë Fushë-Arrëz, të informohet çdo vit institucioni i Prefektit, Agjencia Kombëtare e Mbrojtjes Civile, dhe ministria përgjegjëse për çështjet e punës,
11. Përgjigjet për zbatimin e këtij vendimi ngarkohen: Drejtoria e Administrimit të Pyjeve dhe Kullotave, Shërbimi Zjarrfikës, Sektori i Emergjencave Civile, vullnetarët e Shërbimit Vullnetar të Bashkisë Fushë-Arrëz, dhe organizatat jofitimprurëse që ofrojnë vullnetarizëm në territorin administrativ të bashkisë.

Ky vendim hyn në fuqi menjëherë.

Miratuar me 11 vota Pro.

Vota Kundër 0.

Vota Abstenim 0.

Zbardhur më datë: 08 / 04 / 2024.

KRYETARI I KËSHILLIT BASHKIAK

Nikolin BARDHOKU

